



Broj: 06-05-15301/12
Sarajevo, 26.04.2012.godine

SKUPŠTINA KANTONA SARAJEVO
-OVDJE-

Predmet: Odgovor na poslaničko pitanje, dostavlja se

Zastupnica Segmedina Srna Bajramović, na Trinaestoj Radnoj sjednici Skupštine Kantona Sarajevo, održanoj dana, 28.03.2012.godine, u okviru tačke Dnevnog reda "Poslanička pitanja, inicijative i odgovori", informisala je da je u proteklom periodu Klub SDP-a posjetio jedan broj lica koji su tražili odgovor na pitanje kako je moguće da su cijene građevinskog materijala u skladištu Tranzit Blažuj, gdje bivaju upućeni nakon izrade specifikacije za otprilike 40% više u odnosu na tržišne. Radi ilustracije o kakvim omjerima se radi zastupnica je navela da cijena armaturne mreže na tržištu iznosi 85-90 KM, a u ovom skladištu 130 KM, vrata su na tržištu 100 KM, a u ovom skladištu ista takva 160. U skladu sa naprijed navedenim, zastupnica je postavila zastupničko pitanje:

„ Molim i tražim od Ministarstva za boračka pitanja da zastupnicima dostavi cjelovitu informaciju na osnovu kojih dokumenata je ova firma dobila posao i molim da nam se dostavi kompletna tenderska dokumentacija. “

Na postavljeno pitanje dajemo sljedeći

ODGOVOR

Izbor najpovoljnijeg ponuđača za nabavku, transport i isporuku građevinskog materijala koje je sprovelo Ministarstvo za boračka pitanja Kantona Sarajevo u toku 2011. godine odvijao se u skladu sa Zakonom o javnim nabavkama (« Službeni glasnik BiH », br. 49/04, 19/05, 52/05,





8/06, 24/06, 70/06, 12/09 i 60/10), a koji je jasno propisao i definisao procedure izbora najpovoljnijeg ponuđača. U tom smislu imenovana je komisija od 7 članova čiji je zadatak bio da ovu javnu nabavku provede u skladu sa Zakonom o javnim nabavkama.

Moramo napomenuti da je procedura ove javne nabavke pokrenuta 11.04.2011.godine objavljivanjem javnog poziva u « Službenom glasniku BiH » broj 27/11, a okončana tek 21.11.2011. godine, s obzirom da smo imali neopravdane prigovore i žalbe pojedinih dobavljača (a što je potvrdio i Ured za razmatranje žalbi BiH odbacujući takve žalbe), koji su vršili pritisak na ugovorni organ i opstruirali postupak javne nabavke.

S obzirom na kompleksnost ove nabavke, koja spada u međunarodni vrijednosni razred i koja pored cijene građevinskog materijala, podrazumjeva isporuku, transport i istovar materijala krajnjim korisnicima na najmanje 300 adresa na području Kantona Sarajevo, kao kriteriji za izbor najpovoljnijeg ponuđača, a u skladu sa članom 34. pod a) Zakona o javnim nabavkama, odabrana je ekonomski najpovoljnija ponuda za izbor ugovornog organa, a po osnovu navedenih kriterija za evaulaciju ponuda i to :

- Ponuđena cijena 60%
- Rok isporuke izražen u danima 5%
- Rok plaćanja izražen u danima 15 %
- Ponuđeni popust 15 %
- Garancija na isporučeni materijal izražena u mjesecima 5 %

Na osnovu evaulacije i vrednovanja svih navedenih kriterija najpovoljniju ponudu za ugovorni organ dostavilo je društvo « Tranzit-export » d.o.o. iz Sarajeva koje je dalo najnižu ukupnu cijenu ponude, najkraći rok isporuke i najduži rok plaćanja, drugi popust po veličini i drugu dužinu garancije na isporučeni materijal, a što se može vidjeti iz Zapisnika o vrednovanju ponuda koji Vam dostavljamo u prilogu.

Po okončanju postupka samo je jedan ponuđač izrazio želju da izvrši uvid u dokumentaciju vezanu za izbor najpovoljnijeg ponuđača i izjavi prigovor na odabir najpovoljnijeg ponuđača, ali





je nakon uvida u kompletnu tendersku dokumentaciju i dostavljene dokaze, kao i u cjelokupnu ponudu društva « Tranzit export », pismeno odustao od toga.

Shodno navedenom, cijenimo da je navedena procedura javne nabavke sprovedena u skladu sa Zakonom o javnim nabavkama.

Što se tiče konstatacije da su eventualno pojedine cijene više od tržišnih, Ministarstvo za boračka pitanja Kantona Sarajevo za to ne snosi odgovornost, niti ima zakonske mogućnosti da na to utiče.

Predmet vrednovanja ponuda pristiglih na javni poziv su cijene koje su dostavljene u ponudama ponuđača, a koji ih na osnovu principa slobodnog formiranja cijena i tržišne ekonomije sami formiraju.

Činjenica je da se ove cijene u praksi mogu razlikovati od maloprodajnih cijena u prodajnim objektima firme koja je izabrana kao dobavljač i to iz sljedećih razloga:

1. ukalkulirana eventualna odstupanja tržišnih cijena s obzirom na specifičnost ovog projekta,
2. sukcesivna isporuka materijala u toku trajanja ugovornog perioda (koji iznosi u normalnim okolnostima do 12 mjeseci) , pa ponuđač mora predvidjeti i eventualna poskupljenja materijala, s obzirom da je zahtjev ugovornog organa bio da se ponuđene cijene u toku ugovornog perioda neće mijenjati ni pod kakvim uslovima,
3. potrebe da se građevinski materijal isporuči, transportuje i istovari na adrese krajnjih korisnika na području Kantona Sarajevo, a čiji broj nije moguće predvidjeti dok komisije ne izvrše obilazak individualnih stambenih objekata. Za prošlu godinu ih je bilo cca 300 (sve općine na području Kantona Sarajevo i to uglavnom rubne općine, jer je tamo najizraženija individualna stambena izgradnja), te se u kalkulaciju cijene mora uračunati i cijena prevoza i predvidjeti sva eventualna poskupljenja goriva.

Napominjemo da ovo Ministarstvo redovno vrši kontrolu isporuke građevinskog materijala u samom stovarištu firme „Tranzit – export“ o čemu se sačinjavaju zabilješke i u toku dosadašnje redove kontrole nisu uočene nikakve razlike u cijenama otpremnica robe i tenderske dokumentacije.





U prilogu akta dostavljamo Vam:

1. Tenderska dokumentacija – Ograničeni ubrzani postupak sa predkvalifikacijom za nabavku, transport i isporuku građevinskog materijala, nabavka broj: 06-14-23350/11 od avgusta 2011.godine,
2. Zapisnik sa poređenja ponuda, broj obavještenja: 06-14-23350/11 od 10.11.2011.godine
3. Preporuka o prihvatanju ponude za izbor najpovoljnijeg dobavljača za nabavku, transport i isporuku građevinskog materijala, broj: 06-14-23350-14/11 od 14.11.2011.godine,
4. Odluka o prihvatanju ponude i dodjeli ugovora društvu „Tranzit – Export“ d.o.o. iz Sarajeva za nabavku, transport i isporuku građevinskog materijala, broj: 06-14-23350-14/11 od 14.11.2011.godine.

S poštovanjem,

MINISTAR

Doc.dr Nedžad Ajnadžić

Obradila: Nejra Dumanjić

Kontrolisala: mr Belma Adilović

Dostavljeno:

1. Skupšini Kantona Sarajevo putem Stručne službe Vlade Kantona Sarajevo
2. Evidenciji
3. a/a.

